



UNIVERSITÄTS-  
BIBLIOTHEK  
PADERBORN

**Ocylvs, Hoc Est: Fvndamentvm Opticvm**

**Scheiner, Christoph**

**Freiburg i. B., 1621**

Cap. X. Partium Oculi statio qualis.

---

[urn:nbn:de:hbz:466:1-71258](#)

morteretior; quidam conuexis, & higaudent humore Crystallino latiore. Posterius inde comprobatur, quod qui iuuenis omnia libere viderat, nunc senior specillis indigeat, qui iuuenis oculibus opus habuerat ad remota, modo senex haud indigeat, &c.

Dicendum 4. Ex eo quod globosior vel latior existat humorglacialis, necessario etiam ipsius pelliculam Araneam dictam, centri sui sedem variare, antrorsus si conglobetur, introrsus si complanetur. Et hinc concordari potest auctorum discrepantia, qualem enim quisque oculum in dissecando natus est, talem de ipso sententiam tulit, talem nobis ideam prostituit. Ego itaque euistatis utrumque periculosis viarum crepidinibus, medium amplexus sum iter, & in mea oculi conformatioe Corneam & Araneam priorem æquidistantes posui, centraq; ambarum in confinio humoris Vitrei & Glacialis collocaui, non quod ita semper & necessario accidere arbitrater; sed quod citra ultraq; vagaretur, medium eligendum existimau. Nisi quis hanc ipsam centri stationem, à centro oculi nimis remotam, Corneæq; tunicae æquo vicinorem iudicer. Cui ego non multum reluacter, nam vel doctrinæ vel sententiæ meæ hic nihil penitus officitur. Quia, ut semper dixi, hec partium ocularium inter se collocatio, non consistit in individuo, sed suos intra quos expacietur, satis patentes limites habet.

VTRVM PRÆDICTVS PARTIVM  
OCVLISITVS INCON-  
CUSCUS persevereret.

C A P V T X.

**D**istinguendum videtur. Nam si de totius alicuius partis translatione loquamur, negamus unquam sano oculo talem permutationem accidere: si parvulam aliquam earundem secundum locum mutationem intelligamus, eam utique inficiari non possumus. Prioris ratio sumitur ex oculi enarrata structurâ. Cum enim ipse sit per nervos aliaque ligamenta reliquo corpori

corpori copulatus, situm inuertere nunquam potest, quod ex eadem causâ de tunicis & humoribus ab ijsdem interseptis verū est. Posterioris ratio ex eo petitur, quod tam oculus totus, quam aliquæ eius partes secundum quid moueri possint, haut secus atque manus in brachio, & digiti in manu, quorum situs particularis variatur, quo cunque modo moueantur. Sic oculus modò ad dextram, modò ad lœuam, modo sursum, nunc deorsum, nunc antrorsum dirigitur, situ vtiq; alio atque alio. Humorem Aqueū propter fluxibilitatem agitari & locum partium in suo sinu quandoque mutare credibile: & tunc visio vacillat, quia species hunc humorem subingressa nutat, &c. Partes in eodem oculo duæ videntur quibus facultas mouendi inesse appetet. Altera est tunica Vaea: quæ cum humori Aqueo innatet, antrorsus & introrsus tendere potest; eadem etiam sese ampliat & coarctat, prout rei usus postulat: de quo paullo post ex instituto.

Ciliares Processus etiam motrice aliquâ vi pollere videntur, ij enim nonnemine suffragante, adstrictu & remissu simile quid tunice Vuae posse censemur; quibus fit ut totum oculum aut in longum aut in arctum cogant, & humores ipsos, præfertim Crystallinum & Vitreum vel in anteriora vel posteriora compellant: figuramq; Crystallini nonnihil vel attenuent, vel conglobent.

## OCVLARIS STRVCTVRÆ CAVSSÆ PHYSICÆ REDDVNTVR.

### CAPVT. XI.

**C**Uroculi partes à natura Deo auctore hoc ordine & situ sint compositæ rationem si quis desideret, à fine maximè ob quæ oculus animali à Deo datus est, eam reposcet. Etenim quia res visibles ab eo per species radijs rectis immissas percipi debebant, oportebat ipsum diaphanum fieri; & quia stabiles erant plæque res, ipsi mobilitas absque lassitudine conueniebat: quibus virisq; tam rotunditas, quam humectatio mirè conducebat, vni-

D de tri-